

山谷先生年譜

山谷先生年譜卷之十二

元豐三年庚申

下

發舒州向皖口道中作寄李德叟

題馬當山魯望亭四首

宿舊彭澤懷陶令

先生過南康軍祭劉凝之文云元豐三年庚申十二

月辛酉彭澤屬江州又在江州之下

潯陽江口阻風三日

泊大孤山作

元注庚申十二月

題落星寺四首

先生有真蹟以前二首題云題落星寺第三首題云
題落星寺嵐漪軒第四首題云往與道純醉臥嵐
軒夜半取燭題壁閒云又有蜀本石刻前一首題云
落星寺僧請題詩而首句略不同云游空天嶽有靈
鑒及畫吟作畫倚江撼牀作波撼牀蜜房作蜂房牖
戶作戶牖青雲梯幾級作虛空更幾級瘦藤作一藤
而第四首石刻題作醉書落星寺壁時與劉道純同
飲二僧在焉亭四首

玉京軒

先生有真蹟跋語云將旦起坐復得長句恩恩就竹
輿不暇寫歲行一周道純已凋落爲之隕涕故書遺

超上人可刻石於吾二人醉處他日有與予友及弟
純好事者尙徘徊碑側元祐六年大寒黃庭堅書

壽聖觀道士黃至明開小隱軒太守徐公爲題曰快軒
庭堅集句詠之

過致政屯田劉公隱廬

詩中有木行天再環之句蓋先生自戊申赴葉縣
至庚午方改官歸政與詩句合

已上九篇並元載外集

拜劉凝之畫像

此詩蜀本詩集置之崇寧元年蓋先生自荆入岳遵
陸至萍鄉回涂自筠陽豫章山行由東林太平觀至

江州初不經由南康今附於此

知郡大夫改築射亭與五老峰晤對極爲勝賞輒以長

句詠歎 此篇元載別集

和劉太博攜家游廬山

駐輿尋訪後山陳德方家

此二篇並元載外集

題姨母李夫人墨竹二首

此詩載文集蜀本置之館中非是蓋畫壁在廬山

伽寺今附此

題李夫人偃竹

南康席上贈劉李二君

此二篇並載外集

元豐四年辛酉

先生是歲赴太和

是歲考試舉人於南康軍

豐城

豐城乃豫章屬邑自豫章至吉州太和先經由此地

臨江寺僧以金線蝦蟆蒙裴几

臨江軍在豐城之上

上蕭家峽

何蕭二族

魏夫人壇

隱梅福處

蕭子雲宅

避秦十人

黃雀

皆是赴太和經由所作

已上九篇並元載外集

休亭賦

此賦雖無年月先生作蕭濟父墓誌云濟父元祐六年乃以特奏名試於庭得一命而歸沒於牖下初濟父既無仕進意築屋於清江峽之碕巴正之上曰休亭閒居且二十年因前篇有蕭家峽詩今附於此又

按洪駒父嘗跋先生此賦蓋山谷少作也晚年刊定
其卒章曰是謂不著而筮從無龜而吉卜蓋初本其
末兩句云蓋嘗聞伯夷之風何能問詹生之下

到官歸志浩然二絕

庭堅得邑太和六舅按節出同安解后於皖公谿口風
雨阻留十日對榻夜語因詠誰知風雨夜復此對牀
眠別後更覺斯言可念列置十字字爲八句寄呈十
首

詩中有得邑邇梅嶺開花向春妍之句又序稱別
後故附於此

題吉州承天院清涼軒

戲題承天寺法堂前柏

次韻答楊子聞見贈

詩中有黃綬今爲白下令之句

蕭巽葛敏修二學子和予食筍詩次韻答之二首

胡朝請見和食筍詩輒復次韻

聞致政胡朝請多藏書以詩借書目

已上二十篇並元載外集

顓上食蓮有感

顓上卽今顓州舊虔州先生自吉往南安考試經過

按先生有此詩眞蹟藁本謹附錄於後

蓮實大如指分甘念母慈共房頭齷齪更深兄弟

思實中有么荷拳如小兒手令我憶眾雛
梨棗蓮心政自苦食苦何能甘投効去未能竊祿
以懷慙蓮生淤泥中不與泥同調食蓮誰云多知
味良獨少吾家雙井塘十里秋風香安得免冠紱
歸製芙蓉裳今集中亦有數字不同

南安試院無酒飲周道輔自贛上囑一榼時時對酌惟
恐盡試畢僕夫言尙有餘樽木末蓉盛開戲呈道輔
詩中有山邑已催乘傳馬曉窗猶共讀書螢之句
戲贈南安倅柳朝散

效孔文舉贈柳聖功六言三首

謝陳正字送荔枝三首

詩中有十年梨棗雪中看及稍知身作近南官之句
蓋自葉縣北京仕宦十年而後來太和頗與詩意合
又云橄欖灣南遠歸客煩將嘉果送蓬門當是自韻
上得之就寄歸太和耳今附於此

題虔州東禪圓照師新作御書閣

題槐安閣

并序

序中云東禪僧進文結小閣於寢室東故附於此

已上十篇並元載外集

山谷先生年譜卷之十二

山谷先生年譜卷之十三

元豐四年辛酉

下

洪範以不合俗人題廳壁二絕句次韻和之

詩中有南康郡下參軍耳南康卽贛州郡名洪範名
卞時官贛上蓋先生出試院歸涂所作

發贛州寄余洪範

按先生有此詩真蹟胸中凜于吞一石塵下庖丁解
十牛作紅衣傳酒傾諸客清夜中談誇九州又有題
名數行云王誠之柳誠甫周道輔魏伯殊余洪範徐
適道徐致虛馬固道東禪惠老及有詩一首云惠老
有才氣往來三十年松風沈永日詩句卽深禪萬水

于山裏長安大道邊相逢欲留語此月別時圓謾附
於此 二篇並元載外集

答余洪範

此篇元載別集

秋思寄子由

按蜀本詩集注云是時蘇黃門謫監筠州鹽稅筭三
皆在江西山谷嘗有與黃門書云得邑極南幸執事
在旁郡又云有高安行李必問動靜高安卽筠州黃
門名轍字子由

奉寄子由

大臨

奉答元明

轍

二詩元附外集

次韻奉寄子由

再次韻奉答子由

再次韻寄子由

次韻寄上七兄

秋思

和七兄山積湯

同韻和元明兄知命弟九日相憶二首

按先生有此詩真蹟藁本首篇云

革囊南渡傳詩句兄弟相思意象真九日黃花傾

壽酒幾迴青眼望居塵早爲學問文章誤老作東

山名詩卷之二十三
一
西南北人安得田園可溫飽長拋簪紱裹頭巾後
篇與集中同但鄰田作田鄰耳

雙澗寺二首 寺在太和境內

代書

詩中有我爲萬犬長之句

睡起

奉送周元翁鎖吉州司法廳赴禮部試

元翁名燾

飲潤父家

潤父舊名渥字潤父後更名育字懋達會稽人時
爲吉州司理先生以兄弟合宗已載先生所作黃

育字序

次前韻寄潤父

出迎使客質明放船自瓦窰歸

答何君表感古冢

曾礩竹前爲蘄春傅尉作

還深甫同年兄詩卷

次韻和答孔毅父

毅父嘗爲吉倅

再和舊韻寄孔毅甫

招隱寄李元中 元中名冲元

已上二十四篇並元載外集

龍眠操三章贈李元中

此篇元載文集

元豐五年壬戌

上

先生是歲在太和

按九月十六日上運使劉朝請書云錄錄下邑蓋將
暮年又舉稅政之後負逋在民縲繫滿獄勤苦教養
僅爲細民之安

二月二日曉夢會於廬陵西齋作詩寄陳適用

適用名汝器時知廬陵先生到官在去歲此詩蓋今

春作

長句謝適用惠送吳南雄所贈紙